

Hoomskuuling for unnere Senjorinne un Senjorn

Lexikon vun englischn Zeich nei unnere arzgebirgsche Sproch

App	Epp	des is net irgnd e Eb, vu eierer friehern Schulklass, naa, des sei klaane Programme, die mor gebrauchn kaa, wenn mor drauf klickt, giehts lus - oder aa net
Blogger	Blocker	des sei welche, die neins Innet su wos wie e Tagbuch schreibn, aafach allis aufnotiern, ganz egal öb des irgnd jemand intressiert oder net
Booster	Buustor	des haasst eingtlich Antrieb, is gibt aa e Buustor-Karussell, aber itze in dare Viruszeit stiehts for de neie vorstärkte 3. Impf, die siech jeder gegn de Pandemie huln söll! Wenn de die hast, kaste ieberol wieder hie un nei gieh!
Catfish	Kettfisch	des sei Betriecher, die jemandn ewos viergaukn, meestns richtig kriminell wie im „Tatort“
Click & Collect	Klick un Kollekt	aussuchn un aaklickn wos mor kaafn will in Innet mit dare Kompjutermaus un noocherts im Eikaafslodn ohuln
Cloud	Klaud	Des is ne Wolk, in dar de ganzn Datn drinne sei, die mor ansinstn ofn Kompjuter speichern muss, die schwirrn irngdewu rim, un wenn mor se braucht, muss mor se halt aufrufn - des haasst, wenn mor is Passwort noch wass...
Dropdown-Menü	Dropdaun-Menü	do siste ne List un vu dar kaste annere Werte auswähln
Emjoy	emtscheu	des sei spaßiche Bildle zum vorschennern vu dein Geschreib oder im annere ze ärchern
E-Paper	Ee-Peepor	des is de Zeiting uhne Papier, also när ofn Bildschirm oder aa im Händie
Facebook	Feesbuck	des is e Büchl, wu jeds ewos neischreibn un Bildle zeign kaa im siech wichtich ze machen oder aber aa ewos wichtichs ze zeign
Flatrate	Flätreet	wörtlich: Flach im Preis, suwos wie Grundgebiehr oder aa Pauschaltarif zen Beispiel bein telefoniern
Follower	Folloufer	des is aaner, dar in annern vorfolcht, aber net of dor Stroß, naa, im Innet. Je meh su e Schreiberling selche Folcher (Aahänger, Fäns) hat, desto beriehmter kaa dar wern un sugar aa noch viel Gald vordiene!
Hardware	Hartwehr	des sei de elektronischn Taaler, dodormit de --- Softwehr ieberhaupt lusgieht

Hashtag	Häschtäg	des is su e Kreuz # als Markierung, do ka mor drauf klickn, im ne Nachricht in Soschlweb ze dorgattern, mor kaas aber aa sei lessn
High Noon	Hainuun	is reicht mit eire Demos, is is immer noch finf vür zwelfe mit den Virus, de Gesundhaat is wichticher als eier daamichs Freihaatsgemaahr !
Homefeed	Hoomfied	allis for dorham neischleppn, Asserei oder aa Möblzeich zur gemietlichn Eirichtung
Homeschooling	Hoomskuuling	Unnerricht dorham in Stiebel oder aa in dor Kich
Hotspot	Hottspott	do tun de Witschers net ebber ihre Pfaar vorspottn, na, des is e ganz schlimmer Brennpunkt, aber net in Ufn
HTML	HaTeEmEI	do dormit wird allis, was inm Innet dorscheint schtrukturiert un an de richtsche Stell gebracht, vun Text, Bild un Quarvorweise (des hat nicht mit de Quardenkern ze tu)
Hyperlink	Haiperlink	oder aafach „link“, dar vorweist of ne annere Seit in Innet, des mor die glei findt un net esu lang imhaar klickn un suchn muss
Influencer	Influenzer	des sei Latschweiber oder aa Latschmanner, die en dauernd ewos eiredn wölln, des mor was kaafn oder ausprobirn söll, was mor eingtlich gar net will im ----- Soschlweb
Jetlec	Tschetleck	des is suwos, wenn de net richtig schlofn kast, oder wenn de halt mit nern Diesnjächer werwasswieweit ieber de Zeitzone imhaargeflochn bist, stärt des halt dei Wuhlbeindn.
Laptop	Läptopp	des is e gressers Täblett, aber mit ner Tastatur, do kaa mor wenstns gelei lusschreibn
Lockdown	Lokdaun	do fährt kaane Lok zen unnern Bahuf, des bedeit ne Ausgangssperr, do soll mor allis im Alltog schu eweng ganz schie eischränk
Lockdown-Syndrom	Lokdaun-Sindroom	Gefange im --- Lockdaun, also eigeschlossn un ball ufähich, im ewos aazestelln geschweiche denn ze arbittn.
Mainstream	Meenstriem	des spiechlt ne allgemeine Geschmack dor Leit wieder, also des, was eingtlich de Mahning un is Richtsche vu alln is
Multi-Channel-Marketing	Multi-Kännl-Markeding	leberol is die dabbische Werbing, of jedn Kanal, den de aa aufrufst, abn dauernd nervich!
Newsletter	Njusletter	des sei aafach Rundschreibn, die dir is Neiste mittaaln, de meestn sei imesist, aber annere musste halt bezohn.
No Go	Nogo	des gieht gar net! Gemaant sei e paar Bundstoger, die mit dene Virus-Maskn Gald geschefflt ham, pfui!

Podcast	Pottkaast	des is Gelaaber in Innet, mannichsmol ewos wart, aber aa viel unnitzis Zeich, dodorfier kosts nischt
Portfolio	Portifolijo	Sammlmapp vu z.B. Wertpapiern - ham mir net gieht uns also nicht aa
Screenings	Skrienings	dodormit kaa mor ewos finden oder testn, also suwos wie "de Nodel im Heihaufen ze finden"
Selfie	Selfieh	do streckt mor ne Arm aus un fotografiert siech oder aa mit seiner Freindin salberscht, also uhne in teiern Fotografn.
Shitstorm	Schittstorm	des haaßt fei werklich „Schei...“ un dann noch „Sturm“, lawinenartige ganz schlachte Kritik un ganz schlachte Redn ausn Innet
Shutdown	Schattdaun	allis schließn, stillegn un runnerfahrn, is gieht gar nicht meh
Shuttle-Bus	Schattlbus	des is e Pendlbus, dar eich nu eingtlich endlich emol zen Impfn bringe söllt!
Smartphone	Smartfohn	des is net nár e Telefon, des is schu e halber Kompjuter, do kaste de ganze Walt dorrobern
Software	Softwehr	des haaßt eingtlich "leichte Ware" (net ze vorwachsln mit dene aus dor Herbertstroß in Hamburch), des sei Programme im Innet, wu mor imhaarstöbern un vorännern kaa
Social Media	Soschlmedija	des is abn des, do kaa aafach jeder sei Maaning zu alle rmeechlichn Theme im Innet dorzu gabn
Sondierungs-Leak	Sondierings-Liek	Liek haasst durchsickern. Bei dor Politik is des suwos, wens noch net verkündt is, aber mor hatts schu gehärt, isis abn schu durchgesickert, uhne des dies wolltn.
Special Guests	Spechl Gests	Nu ganz aafach: des sei unnere leberraschungsgäst, die mir jeds Gahr emol begrießn kenne un die uns gut unnerhaltn, also ganz besonnere Stars = Promenente!
Speed-Dating	Spied-deeting	Schnelles Traffn - Des is , wenn mer in neie Partner sucht. Do lernt mor allerhand Manner un Fraun kenne zen aussuchn. Wer allaane blebt, is salberst schuld! Aber Achtung: Is gibt aa welche, die blus of eier Gald aus sei, z.B. Heirotsschwindlor!
Surfen	Sürfn	eingtlich hat des wos mit Wasser ze tu - übern See gleitn, aber hier is gemaant: bei den Sürfn guckt mor noochenannr irngdwelche Seiten im Innet aa
Start-up	Startap	des hat nicht mit Sport ze tu, des haaßt „in Gang setzn“, do hat aaner ne neie Geschäftsidee, öb wos draus ward, wass mor noch net

Streetworker	Strietwörker	do is net etwa dor ehemalsche Stroßnarbiter, dor Staab, Helm gemaant. Des is e ganz Wichtcher, dar den Leitn hilft, die ka dorham ham, siech mit Drogn vollstoppn oder aa mit dor gewarblign Auszieherei beschäftign (des gib'ts fei aa!)
Tablet	Täblett	des is net etwa e Hietrochbrattl un aa kaane Tablett zum Einamme, des is e klaaner Kompjuter, aber dar hat kaane Maus un Tastatur zen Schreibern, när in ----- - Tatschkrien
Taskforce	Taaskfoors	des is ne Arbtsgrupp, die Probleme lösn söll oder aa net, wie itze z.B. unnere Ministers bei dare Corona-Pandemie
Touchscreen	Tatschkrien	des is dor Bildschirm vun Täblett, do musste drauf datschn, när esu kaa mor wos bewegn un schreibn
Tweets	Twiets	des is när Gezwitscher, aber net vu de Vöchle. Des sei Nachrichtn, die jeder of nor Innetseit schreibn kaa, egal öbs stimmt oder aa net oder gar när Mist is
Upcycling-Laternen	Abseigling-Laterne	do giehts im de Eisparerei vu Materjal un kost aa nicht, do musste Laterne forn Kinnerimzuch aus altn Kartöngle bastln, un racht schie aamoln.
Voloblog	Wolloblock	des sei Aafänger oder vürnaam ausgedrickt: Volontäre, die siech mit ihrer Arbit im Innet zeign, ganz egal öb des suwos Besonnens is oder aa net
Webbrowser	Webbrauser	Imhaarsuchn im Innet un Aaguckn vu dene ihre aanzln Seitn
Wikipedia	Wickibedija	des is ewos guts, do dorfährste aafach allis: suwos wie e Lexikon mit vieln Dorkläringe un Biddle, allis ehrnamtlich aufnotiert, när des des net gedrukt is, sonnern när im --- Innet
Whistleblower	Wisblauer	des sei söliche, die wichtichs Zeich aus geheime Quelln naustrogn, woe aangtlich niemand wissen derf
Work-Life-Blending oder Balance	Wörk-laif-Blending oder Balangs	zwischn Arbit un Freizeit wird hier eingtlich unnerschiedn, de Balanngs trennt des ganze total
WYSIWIG	Wisiwig	"Wos de siehst, is des wos de aa bekommst"- also zen Beispiel wird die Geschreib oderaa dei Bild of dein Bildschirm genau esu aagezeicht wies dann aa in echt zen Schluss sei söll
www	Wehwehweh oder Wörlid Weit Web	des is des waltweite Netz, des imspannt mittlerweile unnere ganze Ardkuchl, do kaa jeder Betrieb, alle wichtign Leit ihr Aaliegn zur Werbing inText un Biddle vürstelln oder aber aa e jeder Depp sei Gemaar in de Walt nausposaune